

Title : ADAM HAWA

Composer : Ramli Sarip

Lyricist : Bob Lokman

Bila sendirian dalam syurga tak bermakna
Harum suasana tak upaya bercanda
Pada siapa ku bentangkan tikar cinta
Aku Adam tanpa cinta tak ke mana

Tuhan terima kasih kerana kau menghayati
Hawa nan di beri syurga makin berseri
Ku bukakan pintu cinta yang menanti
Ku hamparkan rasa rindu di tapak kaki

Hawa kemarilah ku tunjukkan syurga ku
Sabar kau kan tahu diri ini syurgamu
A... aaa kita kan bersatu
A... aaa beradu

Syurga tanpa Hawa bagai cinta tak bertuan
Hawa dalam syurga cinta bagai tak keruan
Ciptaan Mu paling mistik ku tertawan
Aku hamba dalam cinta rekaan

Tuhan mengapakah ku keliru di sini
Hawa dirusuk ku bagai duri di hati
A... aaa manakah syurga ku

Hawa dalam syurga atau syurga dalam Hawa
Cinta tanpa Hawa di syurgakah tempatnya
A... aaa cinta yang berhawa
A... aaa sengsara